

VENDIM
Nr. 695, datë 5.10.2016

**PËR DISA SHTESA DHE NDRYSHIME NË VENDIMIN NR. 48, DATË 23.1.2013, TË
KËSHILLIT TË MINISTRAVE, “PËR KRIJIMIN E UNIVERSITETIT TË
MJEKËSISË, TIRANË (UMT)”,
TË NDRYSHUAR**

Në mbështetje të nenit 100 të Kushtetutës dhe të ligjit nr. 80/2015, “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë”, me propozimin e ministrit të Arsimit dhe Sportit, Këshilli i Ministrave

VENDOSI:

1. Në vendimin nr. 48, datë 23.1.2013, të Këshillit të Ministrave, të ndryshuar, bëhen shtesat dhe ndryshimet si më poshtë vijon:

a) Në fund të kreut III shtohet paragrafi me këtë përmbajtje:

“Pjesë e programeve të Universitetit të Mjekësisë, Tiranë, janë edhe programet e studimeve universitare të infermierisë së përgjithshme, që ofrohen në filialet e qyteteve të Kukësit dhe të Sarandës. Këto programe studimi do të organizohen dhe menaxhohen nga Universiteti i Mjekësisë, Tiranë. Në përfundim të ciklit të studimeve, studentët do të përfitojnë diplomën e lëshuar nga Universiteti i Mjekësisë, Tiranë. Këto programe studimi do të vazhdojnë deri në përfundimin e plotë të ciklit të studimeve nga studentët që janë regjistruar në këto filiale deri në vitin akademik 2013–2014.”.

b) Pika 1, e kreut V, ndryshohet si më poshtë vijon:

“1. Organika e Universitetit të Mjekësisë, Tiranë, përmban numrin e punonjësve të Fakultetit të Mjekësisë, të Fakultetit të Infermierisë, si dhe numrin e punonjësve të angazhuar në mësimdhënien e programeve të studimit të infermierisë së përgjithshme në filialet e qyteteve të Kukësit dhe Sarandës, të cilët i zbriten numrit të përgjithshëm të punonjësve të Universitetit të Tiranës.”.

c) Pas pikës 2, të kreut V, shtohet pika 2/1 me këtë përmbajtje:

“2/1. Transfera e pakushtëzuar nga buxheti i shtetit, për programet e infermierisë së përgjithshme në filialet e qyteteve të Kukësit dhe të Sarandës, transferohet tek Universiteti i Mjekësisë, Tiranë, i cili menaxhon edhe tarifat e studentëve dhe shpenzimet për aktivitetin e këtyre programeve.”.

ç) Në fillim të kreut VI shtohet një paragraf, me këtë përmbajtje:

“Universiteti i Tiranës dhe Universiteti i Mjekësisë, Tiranë, lidhin marrëveshje bashkëpunimi, në të cilën përcaktohen detyrimet dhe të drejtat e palëve lidhur me administrimin e ambienteve të filialeve deri në përfundimin e aktivitetit mësimor për programet ekzistuese të infermierisë së përgjithshme në këto filiale.”.

2. Ngarkohen Ministria e Arsimit dhe Sportit, Universiteti i Tiranës dhe Universiteti i Mjekësisë, Tiranë, për zbatimin e këtij vendimi.

Ky vendim hyn në fuqi pas botimit në Fletoren Zyrtare.

KRYEMINISTRI
Edi Rama